

## ORUŽJE, VOJNA OPREMA I ROBE POSEBNE NAMJENE

Oružje i vojna oprema podrazumjeva sve stavke navedene na Zajedničkoj listi oružja i vojne opreme.

Robe posebne namjene su nevojna sredstva za komercijalne svrhe koja su navedena na Listi roba posebne namjene.

### 1. PROPISI

- Zakon o kontroli vanjskotrgovinskog prometa oružja, vojne opreme i roba posebne namjene ("Službeni glasnik BiH", broj 53/16)
- Zakon o kontroli kretanja oružja i vojne opreme ("Službeni glasnik BiH", broj 53/09 i 22/16)
- Odluka o određivanju međunarodnih graničnih prelaza za promet naoružanja i vojne opreme, opasnih, eksplozivnih i radioaktivnih materija i sredstava dvojne namjene ("Službeni glasnik BiH", broj 89/06, 48/08, 35/13 i 61/15)
- Zajednička lista oružja i vojne opreme ("Službeni glasnik BiH", broj 64/19)
- Lista roba posebne namjene ("Službeni glasnik BiH", broj 25/17)
- Odluka o klasifikaciji roba na režime izvoza i uvoza ("Službeni glasnik BiH", broj 22/98, 30/02, 40/02, 20/05, 04/13)

### 2. ZAKON O KONTROLI VANJSKOTRGOVINSKOG PROMETA ORUŽJA I VOJNE OPREME I ROBA POSEBNE NAMJENE

Ovim Zakonom propisuju se uslovi i procedure za **izvoz i uvoz oružja, vojne opreme i robe posebne namjene, brokering i provoz oružja i vojne opreme, te izvoz i uvoz usluga u vezi s oružjem i vojnom opremom.**

**Ministarstvo spoljne trgovine i ekonomskih odnosa BiH** izdaje sljedeće isprave:

- a) Dozvolu za izvoz, uvoz i brokering oružja i vojne opreme,
- b) Dozvolu za izvoz robe posebne namjene,
- c) Dozvolu za izvoz i uvoz usluga u vezi s oružjem i vojnom opremom,
- d) Uvoznu dozvolu za robu posebne namjene,
- e) Međunarodni uvozni certifikat,
- f) Uvjerenje o krajnjem korisniku,
- g) Potvrdu o prijemu robe.

Dozvole iz tačaka a), b) i c) mogu biti individualne (pojedinačne) ili globalne.

**Ministarstvo bezbjednosti BiH** izdaje ispravu za provoz oružja i vojne opreme i rješenje za odobravanje kretanja naoružanja i vojne opreme.

### 3. ZAJEDNIČKA LISTA ORUŽJA I VOJNE OPREME I LISTA ROBA POSEBNE NAMJENE

Oružje i vojna oprema podrazumjeva sve stavke navedene na Zajedničkoj listi oružja i vojne opreme ("Službeni glasnik BiH", broj 06/17). Ova lista predstavlja prevod Zajedničke vojne liste Evropske Unije (COMMON MILITARY LIST OF THE EUROPEAN UNION). Listu donosi i ažurira Ministarstvo spoljne trgovine i ekonomskih odnosa BiH.

Robe posebne namjene su nevojna sredstva za komercijalne svrhe koja nisu navedena na Zajedničkoj listi vojne opreme ili na Listi roba dvojne namjene. Robe posebne namjene zbog svojih karakteristika mogu ugroziti život i zdravlje ljudi, materijalna dobra i okolinu, odnosno bezbjednost Bosne i Hercegovine, te je zbog navedenog potrebno pribavljanje isprava koje

izdaje Ministarstvo spoljne trgovine i ekonomskih odnosa BiH za vanjskotrgovinski promet ovih roba.

#### 4. NADLEŽNOST CARINE

Nadležni organi UIO vrše nadzor i prihvataju prijavu za uvoz/izvoz ili provoz oružja, vojne opreme i roba posebne namjene samo u slučaju da deklarant podnese propisane isprave. Obavezno se kontroliše usklađenost robe s podnesenom ispravom.

O svakom kršenju Zakona o kontroli vanjskotrgovinskog prometa oružja, vojne opreme i roba posebne namjene UIO je putem nadležnih organizacionih jedinica dužna obavijestiti Ministarstvo spoljne trgovine i ekonomskih odnosa BiH.

U slučaju pokušaja vanjskotrgovinskog prometa oružja, vojne opreme i roba posebne namjene bez odgovarajućih isprava primjenjuje se odredbe Zakona o carinskoj politici BiH, Zakona o carinskim prekršajima ili Krivičnog zakona BiH.

#### 5. KONTAKT

Za detaljnije informacije u vezi vanjskotrgovinskog prometa oružja, vojne opreme i roba posebne namjene možete se obratiti Glavnoj kancelariji UIO, Sektor za carine, Odsjek za zaštitu intelektualne svojine, zabrana i ograničenja.